

經義考

新校

十

卷二六九 卷三〇〇

擬經 承師
刊石 書壁
鏤板 著錄
通說

〔清〕

朱彝尊

撰

林慶彰

蔣秋華

楊晉龍

馮曉庭

主編

上海古籍出版社

經義考卷二百六十九

擬經二

宋氏衷注太玄經

隋志：「九卷。」

未見。

按：新唐書藝文志有宋仲孚太玄經注十二卷，考隋書及舊唐書經籍志俱無之，疑即宋仲子注書，「子」爲「孚」，因譌「孚」爾。第卷帙不符，未可臆決。

王氏肅太玄經注

七錄：「七卷。」

佚。

魏志：「肅年十八，從宋忠讀太玄，而更爲之解。」

陸氏續太玄經注

隋志：「十卷。」唐志：「十二卷。」

未見。

續自述曰：「昔嘗見同郡鄒邠，字伯岐，與邑人書，歎揚子雲所述太玄，連推求玄本，不能得也。鎮南將軍劉景升遣梁國成奇修好鄆州，奇將玄經自隨，時維幅寫一通，年尚暗稚，甫學書、毛詩，王誼人事，未能深索玄道真，故不爲也。後數年，專精讀之，半歲間，粗覺其意，於是草創注解，未能也。章陵宋仲子爲作解詁，後奇復銜命尋盟，仲子以所解付奇與安遠將軍彭城張子布，續得覽焉。仲子之思慮，誠爲信篤，然玄道廣遠，淹廢歷載，師讀斷絕，難可一備，故往往有違本錯誤。續智意豈能弘裕？顧聖人有所不知，匹夫誤有所達，竊緣先王詢於芻蕘之義，故遂卒有所述，就以仲解爲本^①，其合於道者，因仍其說，其失者，因釋而正之。所以不復爲一解，欲令學者瞻覽彼此，論其曲直，故合聯之耳。夫玄之大義，揲著之謂，而仲子失其指歸。休咎之占，靡所取定，雖得文間異說，大體乖矣。書曰：『若網在綱，有條而弗紊。』今綱不正，欲弗紊，不可得也。續不敢苟好著作以虛譽也，庶合道真，使玄不爲後世所尤而已。」

① 「就以仲解爲本」，四庫善要本、文淵閣四庫本作「就以仲子解爲本」。

〔補正〕

自述內「時維幅寫一通」，「維」當作「雖」。「誠爲信篤」，「信」當作「深」。「就以仲解爲本」，「仲」下脫「子」字。「雖得文閒異說」，「異」或作「義」。（卷十一，頁二一三）

虞氏翻太玄經注

七錄：「十四卷。」

佚。

陸氏凱太玄經注

七錄：「十三卷。」

佚。

范氏望太玄經注

唐志：「十二卷。」通考：「十卷。」^①
存。

① 文津閣四庫本無「通考：『十卷。』」等字。

望自序曰：「子雲著玄，桓譚以爲絕倫，張衡以擬五經，非諸子之傳也。自侯芭受業之後，希有傳者。建安中，宋衷、陸績各以淵通之才，窮核道真，爲十篇解釋之。文字繁猥，今以陸爲本，錄宋所長，訓理其義，爲十卷。」

〔補正〕

望自序內「非諸子之傳也」，「傳」當作「儔」。（卷十一，頁三）

晁公武曰：「吳范望叔明注，以首分居本經之上，以測散處贊辭之下，其前又有陸績序，以子雲爲聖人云。」

蔡氏文郡太玄經注

隋志：「十卷。」
佚。

員氏俶太玄幽贊

十卷。
佚。

唐書注：「開元四年，京兆府童子進書，召試及第，授散官文學直弘文館。」

王應麟曰：「開元四年，京兆童子員俶進太玄幽贊十卷，紫微省召試賦頌及第。」

王氏滙太玄經注

通志：「六卷。」
佚。

說玄

通志：「一卷。」
存。闕。

〔補正〕

案：今萬玉堂刻本有之，並不闕。（卷十一，頁三）

王謙曰：「王相滙注太玄，嘗取以下，自言所中多於易筮。」

晁公武曰：「唐王涯廣津撰滙始以貞元丙子，終於元和己丑二十六年間，注太玄爲六卷，今不之見，獨說玄行於世，凡五篇：明宗一、立例二、揲法三、占法四、辨首五。」

李燾曰：「自晉范望而後，爲玄學者無聞，而涯獨能名家，諸儒共宗之。涯別有經注六卷行於世，說玄特其大略耳。揲法所稱并芳之後，便多數之，不中分，蓋誤也。若爾則終不成七八之數，當云又中分其餘，而三數之，但不復掛一。然本都如此，今姑存其舊，使觀者自擇焉。」

王應麟曰：「前世多詆太玄，自王涯著說，發明淵奧，其學遂盛。」

按：鄭氏通志既列涯說玄，又列玄蹟，考玄蹟即係說玄，徐庸目之云爾，不應重出也。

張氏易太玄注

佚。

南唐書：「張易，字簡能，元城人，右諫議大夫，判大理寺，改勤政殿學士，判御史臺。注太玄未成，卒。」

杜氏元穎太玄經傳

通志：「三卷。」

佚。

范氏諤昌補正太玄經

通志：「十卷。」

佚。

林氏珣太玄經注

通志：「十卷。」

佚。

太玄經釋文

通志：「一卷。」

佚。

宋氏惟幹太玄解「幹」，通志作「翰」。

通志：「十卷。」

未見。宗旨一篇存。

晁公武曰：「皇朝宋惟幹注。惟幹嘗得太玄古本於昭應。咸平中，知滑臺，取宋衷、陸績、范望三家訓解別爲之注，仍作太玄宗旨兩篇附於後，其學蓋師濟東田告，司馬溫公所謂小宋者也。」

王應麟曰：「景德元年五月，直昭文館宋惟幹上太玄新注十卷，付史館。」

章氏警太玄經講疏

通志：「四十六卷。」通考注：「十四卷，疏三十卷。」

佚。

太玄經發隱

通志：「三卷。」

未見。

太玄圖

一卷。

佚。

蘇軾曰：「晉本閩人，遷於蜀者數世，遂爲成都人。」

晁公武曰：「皇朝章晉撰。嘉祐中，成都帥蔣棠①獻其書於朝，詔書褒寵，賜號沖退處士。實錄：晉字隱之，雙流人，通經術，善屬文，性恬淡，屏居林泉，以養生治氣爲事。」

李燾曰：「其說以范望爲宗，望所否者輒改正之。大抵玄之吉凶專在晝夜，而子雲之辭或奇奧難曉，諸家往往迷誤，指凶爲吉，違背經義。晉獨以晝夜訂其辭，於吉凶無所差，比諸家誠最優焉。晉，成都人，字隱之，博通五經，尤長於易、太玄。王素、趙抃守蜀，皆賓禮之，賜號沖退，素所請也。晉將死，其鄉人夢晉以小童自隨，投謁告別，曰：「此間囂塵，非修行地，吾歸閩苑矣。」晉蓋明術數得道者。」又

① 「蔣棠」，文淵閣四庫本作「蔣堂」。

曰：「晉有太玄講疏四十九卷，其說甚備，發隱之作蓋在講疏以前，其大略可見矣。下篇所稱王莽旦筮，遇干之一、五、七，乃宋衷、陸績舊注，本寓言也。而晉謂宋、陸皆居漢世，去揚雄未遠，必得之傳聞，故因用之，要恐非實耳。然亦不害學者，觀其意焉可也。」

〔補正〕

李燾條內「尤長于易、太玄」，「易」下脫「與」字。（卷十一，頁三）

長編：「至和元年十二月，以益州布衣章晉爲本州助教。晉通經術，尤深於太玄，著發隱三篇，講疏四十五卷，田況上其發隱，特錄之，晉辭不拜。嘉祐四年十一月，賜號沖退處士。」

玉海：「皇祐五年閏七月，章晉上太玄經發隱三篇，又太玄圖一卷，慶曆中撰發隱，始序雄出處本末，著玄之意，中陳準易造玄之法，末論玄之妙以適變通。」

宋氏咸太玄音

一卷。

佚。

徐氏庸太玄經解紹興闕書目作「釋文」。

通考：「十卷。」

未見。

晁公武曰：「皇朝徐庸注。庸，慶曆間人也。以范望解指義不的，因王涯、林氏諸解，重爲之注。取王涯說玄附於後，目爲玄蹟，通名之爲太玄性總。其自序云爾。又多改其文字，如以屹爲仡，以姤爲媯，以牡凡爲札乃，以半爲手，以孿爲孿，以稚爲推之類。其所謂林氏者，瑀也。賈文元嘗闢瑀之妄於朝。」

郭氏元亨太玄經疏

通志：「十八卷。」
佚。

晁公武曰：「皇朝郭元亨撰。元亨序云：『昔揚雄作玄，傳之侯芭，後獨有張衡、桓譚、張華見而稱嘆。吳郡鄒伯岐求本不能得，宋衷爲訓解，陸績爲注解，范叔明、王涯亦注之，皆未明白。元亨在蜀，自淳化末迄於祥符八年，凡三十年，撰成今疏。』又云：『太虛潤色於君平，未知何書也。』通考經籍志作「太玄潤色於君平」，未知何所據而言然。」

李燾曰：「其疏專主范望，雖講論極詳，然於望本注無所增益也。元亨自謂得歸於蜀，而不著其師之名氏，蜀人蓋多玄學，疑嚴、揚所傳，固自不絕，但潛伏退避，非遇其人，則鮮有顯者耳。元亨之本末亦未詳。」

① 「稚」，文淵閣四庫本作「雅」。

陳氏漸演玄

通志：「十卷。」國史志：「七卷。」
佚。

宋史：「漸，字鴻漸，少以文學知名於蜀。淳化中，與其父堯封皆以進士試廷中。太宗擢漸第，輒辭不就，願擢其父，許之。至咸平初，漸始仕爲天水縣尉。時學者罕通揚雄太玄經，漸獨好之，著書十五篇，號演玄，奏之，召試學士院，授儀州軍事推官，後耀州節度推官①。」

〔補正〕

宋史條內「後耀州節度推官」，「後」下脫「遷」字。（卷十一，頁三）

晁公武曰：「皇朝陳漸撰。漸，堯佐之族子②也。國史有傳。凡十四篇。漸謂：史以揚雄非聖人而作經，猶吳、楚僭王；按子雲法言，解嘲止云『太玄』，然則經非其自稱，弟子侯芭之徒尊之耳。」

王應麟曰：「國史漸傳：著書十五篇，號演玄，奏之。演玄本十卷，其間多言星曆，自焚三卷，所存七卷者，有玄統、述策、紀鏘、鍵略各一篇，彈誤二篇，玄圖一篇，玄箝一篇，字摹十六篇。」

- ① 「後耀州節度推官」，四庫諸本「後」下有「遷」字。
② 「族子」，文津閣四庫本作「倣子」。

孔氏眈太玄圖

一卷。

佚。

長編：「慶曆七年八月，賜汝州龍興縣處士孔眈粟帛。眈，孔子四十六代孫，隱居縣之龍山滄陽城。晚年惟玩易、老，爲太玄圖。張壁上，外列方、州、部、家，而規其中心空之，無所書，曰：『易所謂寂然不動者，與此無以異也。』」

張氏揆太玄經集解

通考：「一卷。」

〔補正〕

按：晁氏讀書志及通考俱作「太玄經淵旨」。（卷十一，頁三）佚。

宋史：「張揆，字貫之，齊州人，擢進士第，歷大理寺丞，以疾解官。十年不出戶，讀易，因通揚雄太玄經，上集解數萬言，召對邇英閣，擢天章閣待制，累遷翰林侍讀學士。」

〔長編〕：「慶曆七年九月，以工部郎中集賢殿修撰張揆爲天章閣待制①兼侍讀學士。揆上所著太玄集解，召見延和殿，令揆著，得斷首，具言斷首準易之夬卦，蓋陽剛以決陰柔，君子進，小人退之象也。帝悅，故有是命。」

〔玉海〕：「皇祐四年九月，丁度上張修撰寫太玄經。」

張氏齊太玄正義統論

一卷。

佚。

釋文玄說

二卷。

佚。

許氏洞演玄

十卷。

① 「待制」，文津閣四庫本誤作「侍制」。

佚。

王應麟曰：「許洞演玄十卷，其說分三紀、二體。上紀甲首丙尾，日月迭居以辨數。中紀丙首戊尾，男女異政以辨位。下紀庚首癸尾，山川冲氣以辨德。二體曰範、曰緯。」

王氏鴻太玄經注

佚。

江西通志：「王鴻，字翼道，雩都人。皇祐中，試南宮不第，幡然歸隱，目其山曰崑山，巖曰需巖。嘗注太玄經，時周濂溪倅郡，鴻亦在講，郡守劉彝請掌郡教，不就。」

師氏望玄鑒

十卷。

佚。

馮氏沅太玄音訓

通志：「一卷。」

佚。

宋史：「馮沅，字道宗，七歲讀易，母夜夢異人以紺蓮花與沅吞之，且曰：『善讀此，後必貴顯。』真

宗試進士殿中，召元講易，直龍圖閣詔預內翰^①。天禧初，數入講易於宣和門北閣，官至戶部侍郎。元且老，率三日一誦易。卒贈尚書，諡章靖。」

〔補正〕

宋史條內「詔預內翰」，「翰」當作「朝」。（卷十一，頁三）

吳氏祕太玄經注

佚。

太玄音義

佚。

長編：「嘉祐二年十一月，司封員外郎吳祕上所注太玄經及音義，降勅獎諭。」

陳振孫曰：「太玄釋文一卷，相傳自侯芭、虞翻、宋衷、陸績互相增損，非後人所作也。吳祕嘗作音義，豈即此耶？」

① 「翰」，四庫薈要本、文淵閣四庫本作「朝」。